

陳書目錄

凡三十六卷

本紀六卷

列傳三十卷

本紀第一

陳書一

高祖上

本紀第二

陳書二

高祖下

本紀第三

陳書三



世祖

本紀第四

陳書四

廢帝

本紀第五

陳書五

宣帝

本紀第六

陳書六

後主

列傳第一

陳書七

皇后

高祖章皇后

世祖沈皇后

廢帝王皇后

高宗柳皇后

後主沈皇后

張貴妃

列傳第二

陳書八

杜僧明

周文育 子寶安

侯安都

列傳第三

陳書九

侯瑱

歐陽頔 子統

吳明徹 裴子烈

卷八 陳書

列傳第四

周鐵虎

補書十

程靈洗 子文季

列傳第五

黃法氈

補書十一

淳于量

章昭達

列傳第六

胡穎

補書十二

徐度 子敬成

杜稜

沈恪

列傳第七

徐世譜

補書十三

魯悉達

周敷

荀朗 子法尚

周炅

列傳第八

陳書十四

衡陽王日昌

南康愍王雲明 方泰 方慶

列傳第九

陳書十五

宗室

陳凝

陳詳

陳憲紀

列傳第十

陳書十六

趙知禮

蔡景歷

劉師知

謝岐

列傳第十一

陳書十七

三冲

王通弟勢

袁敬兄子樞

傳第十二

陳書十八

沈衆

袁泌

劉仲威

陸山才

王質

韋載族弟翹

列傳第十三

陳書十九

沈炯

虞荔弟奇

馬樞

列傳第十四

陳書二十

劉仲舉

韓子高

董皎

列傳第十五

陳書二十一

謝哲

蕭乾

謝綬

張種

王國

孔奐

蕭允 弟引

列傳第十六

陳書二十一

陸子隆

錢道戢

駱牙

傳第十七

陳書二十三

沈君理

王瑒

陸縡

列傳第十八

陳書二十四

周弘正 弟弘直
弘直子唯

袁憲

列傳第十九

陳書二十五

裴忌

孫瑀

列傳第二十

陳書二十六

徐陵 弟孝克

列傳第二十一

陳書二十七

江揔

姚察

列傳第二十二

陳書二十八

世祖九王

始興王伯茂

鄱陽王伯山

晉安王伯恭

衡陽王伯信

廬陵王伯仁

江夏王伯義

武陵王伯禮

永陽王伯智

桂陽王伯謀

高宗二十九王

豫章王叔英

長沙王叔堅

建安王叔卿

宜都王叔明

河東王叔獻

新蔡王叔齊

晉熙王叔文

淮南王叔彪

始興王叔重

尋陽王叔嚴

岳陽王叔慎

義陽王叔達

巴山王叔雄

武昌王叔虞

湘東王叔平

臨賀王叔敖

陽山王叔宣

西陽王叔穆

南安王叔儉

南郡王叔澄

沅陵王叔興

岳山王叔詔

新興王叔純

巴東王叔謨

臨海王叔顯

新會王叔坦

新寧王叔隆

新昌王叔榮

太原王叔正

後主諸子

皇太子深

吳興王胤

南平王嶷

永嘉王彥

南海王虔

信義王祗

邵陵王兢

會稽王莊

東陽王恮

吳郡王藩

錢唐王恬

列傳第二十三

陳書二十九

宗元饒

司馬申

毛喜

蔡徵

列傳第二十四

陳書三十

蕭濟

陸瓊 子葵英

顧野王

傅縡 字季華

列傳第二十五

陳書三十一

蕭摩訶

任忠

樊毅 弟猛

魯廣達

列傳第二十六

陳書三十二

孝行

殷不害 弟不佞

謝貞

司馬高

張昭

列傳第二十七

陳書三十三

儒林

沈文阿

沈洙

戚容

鄭灼

張達 陸詡 沈德威

賀德基

全緩

張越

顧越

沈不害

王元規

列傳第二十八

陳書三十四

六學

杜之偉

顏晃

江德藻

庾持

許亨

褚珩

吳之山

陸琰

何之元

徐伯陽

張正見

蔡凝

阮卓

列傳第二十九

陳書三十五

熊曇朗

周迪

留異

陳寶應

列傳第三十

陳書三十六

始興王叔陵

新安王伯固

陳書本紀三十列傳凡三十六篇唐散騎常

侍姚思廉撰始思廉父察梁陳之史官也錄二

代之事未就而陳亡隋文帝見察甚重之每就察

訪梁陳故事察因以所論載每一篇成輒奏之

而文帝亦遣虞世基就察求其書又未就而察

死察之將死屬思廉以繼其業唐興武德五年

高祖以自魏以來二百餘歲世統數更史事放

逸乃詔撰次而思廉遂受詔為陳書久之猶不

就貞觀三年遂詔論撰於秘書內省十年正月

壬子始上之觀察等之爲此書歷三世傳父子更數十歲而後乃成蓋其難如此然及其旣成與宋魏梁齊等書世亦傳之者少故學者於其行事之迹亦罕得而詳也而其書亦以罕傳則自祕府所藏往往脫誤嘉祐六年八月始詔校讎使可鏤板行之天下而臣等言梁陳等書缺獨館閣所藏恐不足以定著願詔京師及州縣藏書之家使悉上之

先皇帝爲下其事至七年冬稍稍始集臣等以相校至八年二月陳書三十六篇者始校定可傳之學者其疑者亦不敢損益特各疏于篇末具書舊目列傳名氏多闕謬因別爲目錄一篇使覽者得詳焉夫陳之爲陳蓋偷爲一切之計非有先王經紀禮義風化之美制治之法可章示後世然而兼權尚計明於任使恭儉愛人則其始之所以興惑於邪臣溺於嬖妾志患縱欲則其終之所以亡興亡之端莫非自己致者至必有因造以爲號令威刑職官州郡之制

雖其事已遠然其名施於一時皆學者之所不可不考也而當時之士自爭奪詐僞苟得偷合之徒尚不得不列以為世戒而況於壞亂之中蒼皇之際士之安貧樂義取舍去就不為患禍勢利動其心者亦不絕於其間若此人者可謂篤於善矣蓋古人之所思見而不可得風雨之詩所為作者也安可使之泯泯不少概見於天

陳之史其可廢乎蓋此書成之既難其

不顯及

宋興已百年古文遺事歷不異講而始得盛行於天下列於學者其傳之之難又如此豈非遭遇固自有時也哉臣恂臣穆臣藻臣覺臣彥若臣沐臣鞏謹敘目錄昧死上

陳書目錄終

紀第一

陳書一

散騎常侍姚思廉撰

高祖上

高祖武皇帝諱霸先字興國小字法生吳興長
城下若里人漢太丘長陳寔之後也世居潁川
寔玄孫準晉太尉準生匡匡生達永嘉南遷為
丞相掾歷太子洗馬出為長城令悅其山水遂
家焉嘗謂所親曰此地山川秀麗當有王者興
二百六

必鍾斯運達生康復為丞相

掾咸為長城人康生盱眙太守英
英生尚書郎公弼公弼生步兵校尉鼎鼎生散
騎侍郎高高生懷安令詠詠生安成太守猛猛
生太常卿道巨道巨生皇考文讚高祖以梁天
監二年癸未歲生少儻有大志不治生產既
長讀兵書多武藝云明達果斷為當時所推服身
長七尺五寸日角龍顏垂手過膝嘗遊義興館
於許氏夜夢天開數丈有四人朱衣捧日而至
令高祖開口納焉及覺腹中猶熱高祖心獨負

之大同初新喻侯蕭映為吳興太守甚重高祖
嘗冒高祖謂僚佐曰此人方將遠大及映為廣
州刺史高祖為中直兵參軍隨府之鎮映令高
祖招集士馬衆至千人仍命高祖監宋隆郡所
部安化二縣元不賓高祖討平之尋監西江督
護高要郡守先是武林侯蕭諮為交州刺史以
哀刻失衆心士人李貴連結數州豪傑同時反
臺遣高州刺史孫罔新州刺史盧子雄將兵擊
之罔等於廣州伏誅子雄弟子略與

問子姪及其主帥杜天合杜僧明共舉兵執南
江督護沈顛進寇廣州晝夜苦攻州中震恐高
祖率精兵三千卷甲兼行以救之頻戰屢捷天
合中流矢死賊衆大潰僧明遂降梁武帝深歎
異焉授直閣將軍封新安子邑三百戶仍遣畫
工圖高祖容貌而觀之其年冬蕭暕卒明年高
祖送喪還都至大庾嶺會有詔高祖為交州司
馬領武平太守與刺史蕭暕南討高祖益招勇
敢器械精利暕喜曰能破賊者必陳司武也委

以經略高祖與衆軍發自番禺是時蕭勃為定
州刺史於西江相會勃知軍士憚遠役陰購誘
之因詭說暕暕集諸將問計高祖對曰交趾叛
渙罪田宗室遂使僭亂數州彌歷年稔定州復
欲昧利目前不顧大計節下奉辭伐罪故當生
死以之豈可畏憚宗室輕於國憲今若奪人沮
衆何必交州討賊問罪之師即回有所指矣於
是勒兵鼓行而進十一年六月軍至交州賁衆
數萬於蘇歷江口立城柵以拒官軍暕推高祖

四書卷一
三
為前鋒所向摧陷賁走典徹湖於屈獠界立砦
大造船艦充塞湖中衆軍憚之頓湖口不敢進
高祖謂諸將曰我師已老將士疲勞歷歲相持
恐非良計且孤軍無援入人心腹若一戰不捷
豈望生全今藉其屢奔人情未固夷獠烏合易
為摧殄正當共出百死決力取之無故停留時
事去矣諸將皆默然莫有應者是夜江水暴起
七丈注湖中奔流迅激高祖勸所部兵乘流先
進衆軍鼓譟俱前賊衆大潰賁竄入屈獠洞中

屈獠斬賁傳首京師是歲太清元年也賁兄天
寶遁入九旨與劫帥李紹隆收餘兵二萬殺德
州刺史陳文戒進圍愛州高祖仍率衆討平之
除振遠將軍西江督護高要太守督七郡諸軍
事二年冬歲景寇京師高祖將率兵赴援廣州
刺史元景仲陰有異志將圖高祖高祖知其計
與成州刺史王懷明行臺選郎殷外臣等密議
戒嚴三年七月集義兵於南海馳檄以討景仲
景仲窮蹙縊于閣下高祖迎蕭勃鎮廣州是時

臨賀內史歐陽頔監衡州蘭裕蘭京禮扇誘始
興等十郡共舉兵攻頔頔請援於勃勃令高祖
率衆救之悉擒裕等仍監始興郡十一月高祖
遣杜僧明胡穎將二千人頓于嶺上并厚結始
興豪傑同謀義舉侯安都張憇等率千餘人來
附蕭勃聞之遣鍾休悅說高祖曰侯景驍雄天
下無敵前古援軍十萬士馬精彊然而莫敢當
鋒遂令羯賊得志君以區區之衆將何所之如
聞嶺北王侯又皆鼎沸河東桂陽相次屠戮邵

陵開建親尋于戈李遷仕許身當陽便奪馬仗
以君跡外詎可暗投未若且住始興遙張聲勢
俟此大山自求多福高祖泣謂休悅曰僕本庸
虛蒙國成造往聞侯景渡江即欲赴援遭值元
蘭梗我中道今京都覆沒主上蒙塵君辱臣死
誰敢愛命君侯體則皇杖任重方岳不能摧鋒
萬里雲此冤痛見遣一軍猶賢乎已乃降後旨
使人慨然僕行計決矣憑為披述乃遣使開道
往江陵稟承軍期節度時蔡路養起兵據南康

勃遣腹心譚世遠為曲江令與路養相結同遇
 義軍大寶元元年正月高祖發自始興次大庾各領
 路養出軍頓南野依山水立四城以拒高祖高
 祖與戰大破之路養脫身走高祖進頓南康
 湘東王承制授高祖負外散騎常侍持節明威
 將軍交州刺史改封南野縣伯六月高祖脩崎
 頭古城徙居焉高州刺史李子遷任據大庾遣主
 帥杜平虜率千人入瀘石魚梁高祖命周文育
 將兵擊走之遷任奔寧都承制授高祖通直散

騎常侍使持節信威將軍豫州刺史領豫章內
 史改封長城縣侯尋授散騎常侍使持節都督
 六郡諸軍事軍師將軍南江州刺史餘如故時
 寧都人劉藹等資遷仕舟艦兵校將襲南康高
 祖遣杜僧明等率二萬衆據白口築城以禦之
 遷仕亦立城以相對二年三月僧明等攻拔其
 城生擒遷仕送南康高祖斬之承制命高祖進
 兵定江州仍授江州刺史又餘如故六月高祖發
 自南康南康瀘石舊有二十四灘灘多巨石行

旅者以爲難高祖之發也水暴起數丈三百里
間巨石皆沒進軍頓西自有龍見于水濱高五
丈許五采鮮耀軍民觀者數萬人是時承制遣
征東將軍王僧辯督衆軍討侯景八月僧辯軍
次湓城高祖率杜僧明等衆軍及南川豪帥合
三萬人將會焉時西軍乏食高祖先貯軍糧五
十萬石至是分三十萬以資之仍頓巴丘會侯
景廢簡文帝立豫章嗣王棟高祖遣兼長史沈
袞奉表于江陵勸進十一月承制授高祖使持

節都督會稽東陽新安臨海永嘉五郡諸軍事
平東將軍東揚州刺史領會稽太守豫章內史
餘竝如故三年正月高祖率甲士三萬人彊弩
五千張舟艦二千乘發自豫章二月次桑落洲
遣中記室參軍江元禮以事表江陵承制加高
祖鼓吹一部是時僧辯已發湓城會高祖于白
茅灣乃登岸結壇刑牲盟約進軍次蕪湖侯景
城三張黑葉城走二月高祖與諸軍進剋姑孰
仍次蔡洲侯景登石頭城觀望形勢意甚不悅

謂左右曰此軍上谷昆紫氣不易可當乃以舡舫貯石沈塞淮口緣淮作城自石頭迄青溪十餘里中樓雉相接諸將未有所決僧辯遣杜勣問計於高祖高祖曰前柳仲禮數十萬兵隔水而坐韋粲之在青溪竟不渡岸賊乃登高望之表裏俱盡肆其凶虐覆我王師今圍石頭須渡北岸諸將若不能當鋒請先往立柵高祖即於石頭城西橫隴築柵衆軍次連八城直出東北賊恐西州路斷亦於東北果林作五城以遏大路

景率衆萬餘人鐵騎八百餘匹結陣而進高祖曰軍志有之善用兵者如常山之蛇首尾相應今我師旣衆賊徒甚寡應分賊兵勢以弱制彊何故聚其鋒銳令必死於我乃命諸將分處置兵賊直衝王僧志僧志小縮高祖遣徐度領弩手二千橫截其後賊乃却高祖與王琳杜龕等以鐵騎悉力乘之賊退據其柵景儀同盧輝略開石頭北門來降盪主戴冕曹宣等攻拔果林一城衆軍又剋其四城賊復還殊死戰又盡奪

所得城柵高祖大怒親率攻之士卒騰柵而入
賊復散走景與百餘騎棄稍執刀左右衝陣陣
不動景衆大潰逐北至西明門景至闕下不敢
入臺遣腹心取其二子而遁高祖率衆出廣陵
應接會景將郭元建奔齊高祖納其部曲三
千人而還僧辯啓高祖鎮京口五月齊遣辛
術圍嚴超達於秦郡高祖命徐度領兵助其固
守齊衆七萬填塹起土山穿地道攻之甚急高
祖乃自率萬人解其圍縱兵四面擊齊軍弓弩

亂發齊平秦王中流矢死斬首數百級齊人收
兵而退高祖振旅南歸遣記室參軍劉本仁獻
捷于江陵七月廣陵僑民朱盛張象潛結兵襲
齊刺史溫仲邕遣使來告高祖率衆濟江以應
之會齊人來聘求割廣陵之地王僧辯許焉仍
報高祖高祖於是引軍還南徐州江北人隨軍
而南者萬餘言奉制授高祖使持節散騎常侍
都督南徐州諸軍事征北大將軍開府儀同三
司南徐州刺史餘並如故及王僧辯率衆征陸

納於湘州承制命高祖代鎮揚州十一月湘東
 王即位于江陵改大寶三年為承聖元年湘州
 平高祖旋鎮京口三年三月進高祖位司空餘
 如故十一月西魏攻陷江陵高祖與王僧辯等
 進啓江州請晉安王以太宰承制又遣長史謝
 哲奉牋勸進十二月晉安王至自尋陽入居朝
 堂給高祖班劍二十人四年五月齊送貞陽侯
 深明還主社稷王僧辯納之即位改元曰天成
 以晉安王為白太子初齊之請納貞陽也高祖

以為不可遣使詣僧辯苦爭之往返數四僧辯
 竟不從高祖居常憤歎密謂所親曰武皇雖營
 石之宗遠布四海至於剋雪讎恥寧濟良難唯
 孝元而已功業茂盛前代未聞我與王公俱受
 重寄詎謂未絕音聲猶在耳豈期一旦便有異圖
 嗣主高祖之孫元皇之子海內屬目天下宅心
 竟有何辜坐致廢黜遠求夷狄假立非次觀其
 此情亦可知矣乃密具袍數千領及錦綵金銀
 以為賞賜之具九月壬寅高祖召徐度侯安都

周文育等謀之仍部列將士分賞金帛水陸俱
進是夜發南徐州討王僧辯甲辰高祖步軍至
石頭前遣勇士自城北踰入時僧辯方視事外
白有兵俄而兵自內出僧辯遽走與其二子
顛相遇俱出閣左右尚數十人苦戰高祖大兵
尋至僧辯衆寡不敵走登城南門樓高祖因風
縱火僧辯窮迫乃就擒是夜縊僧辯及顛景午
貞陽侯遜位百僚奉晉安王上表勸進十月己
酉晉安王即位改承聖四
為紹泰元年壬子

詔授高祖侍中大都督中外諸軍事車騎將軍
揚南徐二州刺史持節司空班劍鼓吹竝如故
仍詔高祖甲仗百人出入殿省震州刺史杜龕
據兵興與義興太守韋載同舉兵反高祖命周
文育率衆攻載于義興龕遣其從弟北叟將兵
拒戰北叟敗歸義興辛未高祖表自東討留高
州刺史及安都石州刺史杜稜宿衛臺省甲戌
軍至義興景子拔其水柵秦州刺史徐嗣徽據
其城以入齊又要南豫州刺史任約共舉兵應

龕載齊人資其兵食嗣徽等以京師空虛率精
兵五千奄至關下侯安都領驍勇五百人出戰
嗣徽等退據石頭丁丑戮及北叟來降高祖撫
而釋之以嗣徽寇逼卷甲還都命周文育進討
杜龕十一月己卯齊遣兵五千濟渡據姑孰高
祖命合州刺史徐度於冶城寺立柵南抵淮渚
齊又遣安州刺史翟子崇楚州刺史劉仕榮淮
州刺史柳達摩領兵萬人於胡墅渡米粟三萬
石馬千匹入于石頭癸未高祖遣侯安都領水
軍夜襲胡墅燒齊船千餘艘周鐵武率舟師斷
齊運輸橋其北徐州刺史張領州獲運舫米數
千石仍遣韋載於大航築城使杜稜據守齊人
又於倉門水南立二柵以拒官軍甲辰嗣徽等
攻冶城柵高祖領鐵騎精甲出自西明門襲擊
之賊衆大潰嗣徽留柳達摩等守城自率親屬
腹心往南州采石以迎齊援十二月癸丑高祖
遣侯安都領舟師襲嗣徽家口于夫余州俘獲數
百人官留于連艦塞淮口斷賊水路先是太白自

十一月昱不見乙卯出于東方京辰高祖盡
命衆軍分部甲卒對冶城立航渡兵攻其水南
二柵柳遮摩等渡淮置陣高祖督兵疾戰縱火
燒柵煙塵張天賊潰爭舟相排擠溺死者以千
數時百姓夾淮觀戰呼聲震天地軍士乘勝無
不一當百盡收其船艦賊軍懾氣是日嗣徽約
等領齊兵水步萬餘人還據石頭高祖遣兵往
江寧據要險以斷賊路賊水步不敢進頓江寧
浦口高祖遣侯安都領水軍龍襲破之嗣徽等棄

軍舸脫走盡收其軍少具器械已未官軍四面攻
城自辰訖酉得其東北小城及夜兵不解庚申
達摩遣使侯安都劉仕榮等詣高祖請和高祖
許之乃於城門外刑牲盟約其將士部曲一無
所問恣其南北辛酉高祖出石頭南門陳兵數
萬送齊人歸北者壬戌齊和州長史烏丸遠自
南州奔還歷陽江寧令陳嗣黃明侍郎曹朗據
姑熟反高祖命侯安都徐度等討平之斬首數
千級聚爲京觀石頭採石南州悉平收獲馬仗

船米不可勝計是月杜龕以城降二年正月癸未誅杜龕于吳興龕從弟北史司馬沈孝敷竝賜死二月庚申高祖遣侯安都周鐵武率舸艦備江州仍頓梁山起柵甲子敕司空有軍旅之事可騎馬出入城丙戌辰前寧遠石城公外兵參軍三位於石頭沙際獲玉璽四紐高祖表以送臺三月戊戌齊遣水軍儀同蕭軌庾狄伏連克難宗東方老侍中裴英起東廣州刺史獨孤辟惡洛州刺史李希光并任約徐嗣徽等率衆

十萬出柵口向梁山帳內盪主黃叢逆擊敗之

燒其前軍加艦齊頓軍保蕪湖高祖遣定州刺

史沈泰吳郡太守裴忌就侯安都共據梁山以

御示之自去冬至是甘露頻降于鍾山梅崗南澗

及京口江寧縣境或至三數升大如芥子高

祖表以獻蓋至四月丁巳高祖詣梁山軍巡撫五

月甲申齊兵發自蕪湖景申至秣陵故治高祖

遣周文育屯方山徐度頓馬牧杜稜頓大航南

已亥高祖率宗室王侯及朝臣將帥於大司馬

高祖九年

卷之七

四

門外白獸闕下刑牲告天以齊人背約發言慷慨涕泗交流同盟皆自莫能仰視士卒觀者益奮辛丑齊軍於秣陵故縣跨淮立橋柵引渡兵馬其夜至方山戾安都周文育徐慶等各引還京師癸卯齊兵自方山進及兒塘游騎至臺周文育戾安都頓白土崗旗鼓相望都邑震駭高祖潛撤精卒三千配沈泰渡江龍衣赤行臺趙彥琛於瓜步獲舟艦百餘艘陳粟萬斛即日天子總羽林禁兵頓于長樂寺六月甲辰齊兵潛至鍾

山龍尾丁未進至莫府山高祖遣錢明領水軍出江乘要擊齊人糧運盡獲其船米齊軍於是大餒殺馬驢而食之庚戌齊軍踰鍾山高祖象軍分頓樂遊苑東及覆舟山北斷其衝要壬子齊軍至玄武湖西北莫府山南將據北郊壇象軍自覆舟東移頓郊壇北與齊人相對其夜大雨震電暴風拔木平地水丈餘齊軍晝夜坐立泥中懸鬲以禦寒而臺中及潮溝北水退路燥官軍每得番易甲寅少霽高祖命衆軍秣馬蓐食

遲明攻之乙卯且自率帳內麾下出莫府山南
吳明徹沈泰等衆軍首尾齊舉縱兵大戰侯安
都自白下引兵橫出其後齊師大潰斬獲數千
人相蹂藉而死者不可勝計生執徐嗣徽及其
弟嗣宗斬之以徇追奔至于臨沂其江乘攝山
鍾山等諸軍相次克捷虜蕭軌東方老王敬寶
李希光裴英起等將帥凡四十六人其軍士得
竄至江者縛荻筏以濟中江而溺流屍至京口
醫水彌岸丁巳衆軍出南州燒賊舟艦已未斬

劉歸義徐嗣彥傅野猪于建康市是日解嚴庚
申蕭軌東方老王敬寶李希光裴英起皆伏誅
高祖表解南徐州以授侯安都七月景子詔授
高祖中書監司徒揚州刺史進爵為公增邑并
前五千戶侍中使持節都督中外諸軍事將軍
尚書令班劔鼓吹甲仗竝如故并給油幢早輪
車是月侯瑱以江州入附遣侯安都鎮上流定
南中諸郡八月癸卯太府卿何歆新州刺史華
志各上玉璽一高祖表以送臺詔歸之高祖是

日詔高祖食安書武康二縣合五千戶九月壬寅改年曰太平元年進高祖位丞相錄尚書事鎮衛大將軍改刺史為牧進封義興郡公侍中司徒都督班劍鼓吹甲仗阜輪車竝如故丁未中散大夫王彭牋稱今月五日平旦於御路見龍跡自大社至象闕亘三四里庚申詔追贈高祖考侍中光祿大夫加金章紫綬封義興郡公謚曰恭十月甲戌敕丞相自今入問訊可施別榻以近衮坐二年正月壬寅天子朝萬國於太

極東堂加高祖班劍十人并前三十人餘如故丁未詔贈高祖兄道談散騎常侍使持節平北將軍南兖州刺史長城縣公謚曰昭烈弟休光侍中使持節驃騎將軍南徐州刺史武康縣侯謚曰忠壯食邑各二千戶甲寅遣兼侍中謁者僕射陸繕策拜長城縣夫人章氏為義興國夫人丁卯詔贈高祖祖侍中太常卿謚曰孝追封高祖祖母許氏吳郡嘉興縣君謚曰敬妣張氏義興國大夫人謚曰宣二月庚午蕭勃舉兵自

廣州度嶺頓南康遣其將歐陽頔傅泰及其子
孜爲前軍至于豫章分屯要險南江州刺史余
孝頃起兵應勃高祖命周文育侯安都率衆討
平之八月甲午進高祖位太傅加黃鉞劔履上
殿入朝不趨贊拜不名并給羽葆鼓吹一部其
侍中都督錄尚書鎮衛大將軍揚州牧義興郡
公班劔甲仗油幢皂輪車竝如故景申加高祖
前後部羽葆鼓吹是時湘州刺史王琳擁兵不
應命高祖遣周文育侯安都率衆討之九月辛

丑詔曰肇昔元胎剖判太素氤氳崇建人皇必
憑洪宰故賢哲之后牧伯征于四方神武之君
大監治乎萬國又有一匡九合渠門之賜以隆
戮帶園溫行宮之寵斯茂時危所以貞固運泰
所以光熙斯乃千載同風百王不刊之道也太
傅義興公允文允武迺聖迺神固天生德康濟
黔首昔在休期早隆朝寄遠踰滄海大極交越
皇運一不造書契未聞中國其亡兵凶總至哀哀
噍類譬言彼窮牢悠悠上天莫云斯極否終則泰

元輔應期救此將崩援茲已溺乘舟履輦架險
浮深經略中途畢殲群醜泊乎石顛姑熟流髓
履賜一朝指撫六合清晏是用光昭下武翼亮
中都雪三后之勅讐夷三靈之巨慝堯台禹佐
未始能階殷相周師固非云擬重之以屯剝餘
象荆楚大崩天地無心乘輿委御五胡荐食競
謀諸夏八方基跲莫有匡救彊臣放命黜我冲
人顧影於荼鴆之魂甘心於甯卿之辱却按下
髻求哀之路莫從竊鉄逃責容身之地無所公

神兵奄至不日清澄惟是屢夢不再膺天錄斯又
巍巍蕩蕩無德而稱聖而加以伏茲忠義屠彼祗
逆震部夷氛稽山罷禱番禺桑梓澤北鄙西郊殲
厥凶徒罄無遺種斯則北民之命脩短所懸率
土之基興亡是賴於是刑禮兼訓訟革有章中
外咸平遐邇寧一用能使陽光合魄曜象呈暉
棲閣遊庭抱仁含信宏敷該於厚地大道格于
玄天羲農炎昊以來卷領垂衣之世聖人濟物
未有如斯者也夫備物典策相文是膺助理陰

陽蕭曹不讓夫有功高於寓縣而賞薄於伊周
凡厥人祇固懷延佇寔由公謙撝自牧降擯為
懷嘉數遲回永言增歎豈可申茲雅尚久廢朝
猷宜戒司勳敬升鴻典且重華大聖媿內惟賢
盛德之祀無忘公侯之門必復是以殷嘉賈甫
繼后稷之官竟命羲和纂重黎之位況其本枝
攸建宜誓山河者意其進公位相國摠百揆封
一都為陳公備九錫之禮加璽紱遠遊冠綠綬
綬位在諸侯王上其鎮衛大將軍揚州牧如故

策曰大哉乾元資日月以自觀至哉坤元憑山

川以載物故惟天為大克配者欽明惟王建國

翼輔者齊聖是以文武之佐礚礚蘊其玉璜堯

舜之臣榮河鑊其金版況乎體得一之鴻姿寧

陽九之危厄拯橫流於碣石撲燎火於崑岑驅

馭於韋彭跨躐於齊晉神功行而靡用聖道運

而無名者乎今將授公典策其敬聽朕命日者

昊天不弔鍾亂于我國家網漏吞舟彊胡內鼎

茫茫宇宙惻惻黎元方足圓顛萬不遺一太清

否元橋山之痛已深大寶屯屯如平陽之禍相繼
上宰膺運康救非良鞠旅於滇池之南揚旌於
桂嶺之北懸三光於已墜謚四海於羣飛屠猘
窳於中原斲鯨鯨於濠汜蕩寧上國光啓中興
此則公之大造於皇家者也既而天未悔禍夷
醜荐臻南夏崩騰西京並沕覆羣胡孔熾藉亂乘
間推納藩枝次假神哭司昏橈旁引寇讎既
見貶於桐宮方謀危於滹閣皇運已殆何殊贅
旒中國搖然非徒如絃八赫然投袂匡救本朝

復莒齊都平戎王室朕所以還膺寶歷重履宸
居挹建武之風猷誦宣王之雅頌此又公之再
造於皇家者也公應務之初登庸惟始三川五
嶺莫不窺臨銀洞珠宮所在寧謚孫盧羣孽越
貊為災番部隄危勢將淪殄公赤旗所指杖壘
洞開白羽纒搗兇徒粉潰非其神武久喪南藩
此又公之功也大同之末邊政不脩李賁狂迷
竊我交愛敢稱大號驕恣甚於尉陀據有連州
雄豪熾於梁頌公莫暮雄筆電掃風行馳御樓

船直跨滄海新昌典澈備履艱難蘇歷嘉寧盡
為京觀三山獠洞八角蠻陬逝矣水寓之鄉悠
哉火山之國馬援之所不屆陶璜之所未聞莫
不懼我王靈爭朝邊侯歸蹕天府獻狀鴻臚此
又公之功也自寇虜陵江宮闈幽辱公枕戈嘗
膽提劍撫心氣涌青雲神飛紫閣而番禺連率
本自諸夷言得其朋是懷同惡公仗此忠誠乘
機勦定執沛令而豐分鼓平新野而據鞍此又公
之功也世道初艱方隅多難勳門桀黠作亂衛

疑兵切池陸衆兼夷獠公以國盜邊警言知無不
為卹是同盟誅其醜類莫不魚驚鳥散面縛頭
懸南土黔黎重保蘇息此又公之功也長驅嶺
嶠夢想京畿緣道會豪遞為榛梗路養渠率全
據大都蓄聚逋逃方謀阻亂百樓不戰雲梯之
所未窺萬弩齊張高輶之所非敵公龍驤虎步
嘯叱風雲山靡堅城野無疆陣清氛於瀨石
滅沴氣於雩都此又公之功也遷仕凶慝屯據
大臯乞活類馬騰之軍流民多杜弢之衆推鋒

轉鬪自北徂南頻歲稽誅寔惟勅虜公坐揮三
略遙制六音義勇同心貔貅騁力雷奔電擊谷
靜山空列郡無犬吠之驚叢祠罷狐鳴之盜此
又公之功也王師討虜次屆淪波兵乏兼儲士
有飢色公回麾彘澤積穀巴丘億庾之詠斯豐
壺漿之迎是衆軍民轉漕曾無砥柱之難艫舳
相望如運敖倉之府犀渠具胄顧蔑雷霆高艦
層樓仰捫霄漢故使三軍勇銳百戰無前承此
兵糧遂殄兇逆此又公之功也若夫英圖邁俗

義旅如雲溢壘猜攜用淹戎略公志唯同將大師
克在和鵠塞非虞鴻明是會若晉侯之誓白水
如蕭王之推赤心屈禮交盟人祗感咽故能使
舟師竝路遠邇朋心此又公之功也姑孰襟要
嶠函阻憑寇虜據其關梁大盜負其肩鏞公一
校裁攝三雄竝奮左賢右角沙漬土崩木甲殫
於中原羶裘赴於江水他他藉藉萬計千羣鄂
坂之隘斯開夷庚之道無塞此又公之功也義
軍大衆俱集帝京逆豎兇徒猶屯皇邑若夫表

裏山河金湯嶮固䟽龍首以抗殿擗華岳以爲
城雜虜馮憑焉彊兵自若公回茲地軸抗此天羅
曾不崇朝俾無遺噍軍容甚穆國政方脩物重
覩於衣冠民還瞻於禮樂楚人滿道爭覩於葉
公漢老銜悲俱歡於司隸此又公之功也內難
初靜諸侯出關外郡傳烽鮮卑犯塞莫非且渠
當戶中貴名王冀馬迺於淮南胡笳動於徐北
公舟師步甲巨野橫江殲厥羣羗逐殫封徭莫
不絳木而止戎車非遺遇寧而旋歸驂盡壘此

又公之功也公克黜禍難劬勞皇室而孫

黨翻啓狄心伊洛之間咸爲虜戍雖金陵倖氣

石壘天嚴朝闇戎塵夜喧胡鼓公三籌旣畫八

陣斯張裁舉靈鉢亦抽金僕咸俘醜類悉反高

墉異李廣之皆誅同龐元之盡赦此又公之功

也任以叛換梟聲不悅戎羯貪其狼心無改穹

廬旣幕抵北闕而爲營烏孫天馬指東都而成

陣公左甄右落箕張翼舒掃是攬捨驅其檢狃

長狄之種埋於國門推髻言之會身於軍中投秦

坑而盡沸噴澁水而不流此又公之功也一相
居中白折彞鼎立湖小守安懷同惡公夙駕兼
道衣製製衣之衣弁將揮金鉞且戒戎會震懼遂
請灰劍焚觀以表其舍弘焚書以安其反側此
又公之功也賊龔兇橫陵虐具區阻兵安忍馮心
災怙亂自古蚩蚩言鳥跡渾沌洪荒及或度劉未
此殘酷公雖宗居汝穎世寓東南育聖誕賢之
鄉含章揆生之地眷言桑梓公私憤切卓爾英
狀承規奉筭戮此大憝如耳心鮮此又公之功

也亂離永久羣盜孔多浙左兇渠連立搏逆豈
止千兵五校白雀黃龍而已哉公以中軍無率
選是親賢奸寇途窮濯然冰泮刑澹唐又作之所
文命動其大威雷門之間句踐行其嚴戮英規
聖跡異代同風此又公之功也同姓有扈頑兇
不賓憑藉宗盟圖危社稷觀兵匯澤勢震京師
驅率南蠻已為東帝公論兵於廟堂之上決勝
於樽俎之間寇賈樊滕浮江下瀨一朝搃撲無
待旬師萬里澄清非勞新息此又公之功也豫

嘉靖九年刊 東書已一 二十五

章袂冠依憑山澤縑田完聚名廢歲時結從連
橫爰洎交廣呂嘉旣獲吳淠已擬命我還師征
其不恪連營盡拔僞黨斯擒曜聖武於匡山回
神旌於蠡派此又公之功也自八紘九野瓜剖
豆分竊帝偷王連州比縣公武靈已暢文德又
宣折簡馳書風猷斯遠至於蒼蒼浴日杳杳無
雷北洎丈夫之鄉南踰女子之國莫不屈膝膜
拜求吏款關此又公之功也京師橋亂亟積寒
暄雙闕低昂九所寥豁寧秦官之可顧豈魯

殿之猶存五都簪弁百僚卿士胡服縵纓咸爲
戎俗高冠厚履希復華風宋微子麥稊之歌周
大夫黍離之歎方之於斯未足爲悲矣公求衣
昧旦吳食高春興構宮闈具瞻遐邇郊庠宗穆
之典六符十等之章還聞太始之風流重觀永
平之遺事此又公之功也公有濟天下之勲重
之以明德凝神體道合德符天用百姓以爲心
隨萬機而成務恥一物非唐虞之民歸含靈於
仁壽之域上德不德無爲以爲夏長春生顯仁

藏用忠信為寧風雨弗愆仁惠為基千羊勿踐
功成治定樂奏咸雲安上治民禮兼文質物色
丘園衣裾里巷朝多君子野無遺賢菽粟同水
火之饒工商富猗頓之旅是以天無蘊寶地有
呈祥瀟露卿雲朝團曉映山車澤馬服馭登閑
既景煥於圖書方歲黜於史牒高勲踰於象緯
積德冠於嵩華固無德而稱者矣朕又聞之前
王宰世茂賞尊賢式樹蕃長摠征羣伯二南崇
絕四履遐曠泱泱表海柞土維齊巖巖泰山俾

侯于魯抑又勤工反鄭夾輔遷周召伯之命斯
隆河陽之禮咸備况復經營宇宙寧唯斷鼉足
之功弘濟蒼生非直鑿龍門之嶮而疇庸報德
寂爾無聞朕所以垂拱當宇載懷慙悸者也今
授公相國以南豫州之陳留南丹陽宣城揚州
之吳興東陽新安新寧南徐州之義興江州之
鄱陽臨川十郡封公為陳公錫茲青土苴以白
茅爰定爾邦用建冢社昔曷奭分陝俱為保師
晉鄭諸侯咸作卿士兼其內外禮實夜宜今命

使持節兼太尉王通授相國印綬陳公璽綬使
持節兼同公玉璽授陳公茅土金獸符第一至
第五左竹使符第一至第十相國秩踰三鉉任
摠百司位絕朝班禮由事革其以相國摠百揆
除錄尚書之號上所假節侍中貂蟬中書監印
章中外都督太傅印綬義興公印策其鎮衛大
將軍揚州牧如故又加公九錫其敬聽後命以
公禮爲楨榦律等銜策四維皆舉八柄有章是
用錫公大輅戎輅各一玄牡二騊以公賤寶崇

穀疏爵待農室

京坻民知榮辱是謂錫公家

冕之服赤舄副焉以公調理陰陽變諧風雅三
靈允降萬國同和是用錫公軒縣之樂六佾之
舞以公宣導王猷弘闡風教光景所照觀象必
通是用錫公朱戶以居以公抑揚清濁裒德進
賢髦士盈朝幽人虛谷是用錫公納陛以登以
公嶷然廊廟爲世鑑範折衝四表臨御八荒是
用錫公武賁之士三百人以公執茲明罰期在
刑措象恭無赦干紀必誅是用錫公斧鉞各一

以公英猷遠量跨厲嵩溟抱一車書括囊寰宇
是用錫公彤弓一彤矢百旅弓十旅矢千以公天
經地義貫徹幽明春露秋霜允恭染盛是用錫
公秬鬯一卣圭瓚副馬陳國置丞相已下一遵
舊式往欽哉其恭循朕命克相皇天弘建邦家
允與洪業以光我高祖之休命十月戊辰進高
祖爵爲王以揚州之會稽臨海永嘉建安南徐
州之晉陵信義州之潯陽豫章安成廬陵并
前爲二十郡益封陳國其相國揚州牧鎮衛大

將軍如故又命陳王冕十有二旒建天子旌
旗出警入蹕垂金根車駕六馬備五時副車置
旄頭雲罕樂舞八佾設鍾簋饗宮縣王妃王子王
女爵命之號陳臺百官一依舊典辛未梁帝禪
位于陳詔曰五帝迭更始三正迭代司牧黎庶是
屬聖賢用能無繹乾理彌綸區宇大庇黔首闡
揚鴻烈世卑晦以明積代同軌百王踵武咸由此
則梁德無任微禍亂荐發太清云始見困長蛇承
聖之季文羅封豕爰至天成重竊神器三光亟

沈亡廟之祀今寧已泯鼎命斯墜我武元之祚
有如絜旒靜惟屯剝夕惕載懷相國陳三有命
自天降神惟嶽天地合德曷曜齊明拯社稷之
橫流謀億兆之塗炭東誅逆叛北殲獯醜威加
四海仁漸萬國復張崩樂重興絕禮儒館聿脩
戎亭虛候大功在舜盛績惟禹巍巍蕩蕩無得
而稱來獻白環豈直自皇虞之世全貞素雉非止
隆周之曰以效珍川陸表瑞煙雲甘露醴泉
旦夕凝滯書歷宋宋草孽植鄒甸道昭於悠代敷

格於皇穹明明上天光華日月華故著於玄象
代德彰於圖讖獄訟有歸謳謌爰適天之歷數
寔有攸在朕雖庸藐聞於古昔永稽崇贊為日
已久敢忘列代之遺典人祇之至願乎今便選
位別宮敬禪于陳一依唐虞宋齊故事策曰咨
爾陳王惟昔上古厥初生民驪連栗陸之前容
成六庭之代竝結繩寫鳥杳冥恍忽故靡得而
詳焉自堯農軒昊多君陶唐有虞之主或垂衣
而御四海或無為而子萬姓居之如馭朽索去

之如脫蔽屣裁遇許由便能捨帝暫逢善卷即
以讓王故知玄扈已瑳璣非開尊貴金根玉輅示
表君臨及南觀河渚東沈刻壁精畫既竭耄勤
已倦則抗首而然唯賢是與謗然作歌簡能斯
授遺風公既列昭昭圖書漢魏因循是為故實宋
齊授受又弘斯義我高祖應期撫運握樞御宇
三后重靈八祖宗玄肖聖及時屬陽九封豕荐食西
都失聖夷狄交侵乃自承天成輕弄龜鼎慄慄黔
首若崩厥角微微皇極將甚綴旒惟王乃聖乃

神欽明文思二儀竝運四時合序天錫智勇人
挺雄傑珠庭日角龍行武步爰初投袂日廼勤
王電掃番禺雲撤彭蠡蚩擒其元惡定我京畿及
王質帝弘賓茲冠屨既行伊霍用保冲人震澤
稽陰竝懷叛逆獯羯醜虜三亂皇都裁命偏師
二邦自殄薄伐獫狁六戎盡殪嶺南叛渙湘郢
結連賊帥既擒兇集傳首用能百揆時序四門
允穆無思不服無遠不届上達穹昊下漏深泉
蛟魚竝見謳歌攸屬況平長慧橫天已徵布新

之兆璧日斯既寔表更姓之符是以始創義師
紫雲曜彩肇羊惟尊主黃龍負舟楫矢素翬梯山
以至白環玉玦慕德而臻若夫安國字萌本因
萬物之志時乘御辯良會樂推之心七百無常
期皇王非一族昔木德既季而傳祚于我有梁
天之歷數允集明哲式遵前典廣詢羣議王公
卿尹莫不攸屬敬從人祇之願授帝位于爾躬
四海困窮天祿永終王其允執厥中軌儀前式
以副溥天之望上禋祀上帝時膺大禮永固洪業

豈不盛歟又璽書曰君子者自昭明德達人者
先天弗違故能進退咸亨動靜元吉朕雖蒙寡
庶乎景行何則三才剖判尤有區分情性相乖
亂離云起是以建彼司牧推乎聖賢授受者任
其時來皇王者本非一族人謀是與屈已從萬
物之心天意斯歸鞠躬奉百靈之命謳謠所往
則攘袂以膺之菁華已竭乃褰裳而去之昔在
唐虞鑒于天道舉其黎獻授彼明哲雖復質文
殊軌沿革不同歷代因循斯風靡替我大梁所

以考庸太室接禮貳宮月正元日受終文祖但
運不常夷道無恒泰山岳傾偃河海沸騰電目
雷聲之禽鉤爪鋸牙之獸咀齧含生不知紀極
二后英聖相仍在天六夷貪狡爭侵中國縣王
都帝人懷干紀一民尺土皆非梁地朕以不造
幼懼閔凶仰憑衡佐亟移年序周成漢惠邈矣
無階惟是童蒙家必貽顛慶若使時無聖哲世
靡艱難猶當高蹈於滄洲自求於泰伯者矣惟
王應期誕秀開錄握圖性道故其難聞嘉庸已

其被物乾行同其燾覆日御比其貞明登承聖
於復禹之功樹鞠子於興周之業滅陸渾於伊
洛殲驪戎於鎬京大小二震之驍徒東南兩越
之勅寇遽行天討無遺神策於是祖述堯舜憲
章文武大樂與天地同和大禮與天地同節鼓
之以雷霆潤之以風雨仁靈沾葭葦信及豚魚殷
濬斯空夏臺虛設民惟大畜野有同人升平頌
平無偏無黨固以雲飛紫蓋水躍黃龍東伐西
征瞻映川陸榮光曖曖已冒郊塵甘露瀼瀼亟

流庭苑車轍馬跡誰不率從蟠水流沙誰不懷
德祥圖遠至非唯赤伏之符靈命昭然何止黃
星之氣海口河目賢聖之表旣彰握旄執鉞君
天之狀斯偉且自攝提無紀孟陬殄滅枉矢宵
飛天弧曉映久矣夷羊之在牧時哉蛟龍之出
象革運之兆咸徵惟新之符竝集朕所以欽若
勛幸屢回星琯昔者木運斯盡予高祖受焉今
歷土火精神歸樞紐敬以火德傳于爾陳遠鑒
前王近謀羣辟明靈有悅率土同心允宜追使持
節兼太保侍中尚書左僕射平樂亭侯王通兼
太尉司徒左長史王瑒奉皇帝璽綬受終之禮
一依唐虞故事王其時陟元后寧育兆民光闡
洪猷以承昊天之休命是日梁帝遜于別宮高
祖謙讓再三群臣固請乃許

紀第一

陳書一

紀第二

陳書二

高祖下

散騎常侍姚思廉撰

來定元年冬十月乙亥高祖即皇帝位于南郊
 柴燎告天曰皇帝臣諱敢用玄牡昭告于白土皇
 后帝梁氏以圮剝存臻歷世運有極欽若天應以
 命于諱夫肇有烝民乃禮司牧選賢與能未常
 厥姓放勛重華之世咸無意於受終當涂典午
 之君雖有心於揖讓皆以英才處萬葉高勳御

史記卷第二

四海故能太庇黔首光宅區縣有梁末運仍葉
邁屯獯醜馮憑陵久移神器承聖在外非能祀夏
天未悔禍復惟寇逆嫡嗣廢黜宗枝僭詐天地蕩
覆紀綱泯絕諱爰初投袂大拯橫流重舉義兵
實賊多難廢王立帝寔有厥功安國定社用盡
其力是謂小康方期大道旣而煙雲表色日月
呈瑞緯聚東井龍見譙邦除舊布新旣彰玄象
遷虞事夏且協謳詠九域八荒同布衷款百神
羣祀皆有誠願梁帝高謝萬邦授以大寶諱自

惟菲薄讓德不嗣至于再辭弗獲許僉以百
姓須至萬機難曠皇靈著命非可讓拒畏天之
威用膺嘉祚永言風士能無勲德敬簡元辰外
壇又禱告類上帝用必民心永保于我有陳惟
明靈鑒是饗先是氛霧晝夜晦冥至于是日景氣
清晏識者知有天道焉禮畢輿駕還宮臨太極
前殿詔曰五德更運帝王所以御天三正相因
夏殷所以宰世雖色分辭翰時異文質揖讓征
伐七用參差而有德振民義歸一揆朕以寡昧

時屬艱危國步屢屯天維三絕肆勤先立拯厥
橫流藉將帥之功兼猛士之力一匡天下再造
黔黎梁氏以天祿永終曆數攸在道與能之典
集大命于朕躬顧惟菲德辭不獲亮式從天睠
俯協民心受終文祖升禋上帝繼迹百王君臨
萬宇若涉川水罔知攸濟寶業初建皇祚惟新
思渾惠澤覃被億兆可大赦天下改梁太平二
年爲永定元年賜民爵二級文武二等鰥寡孤
獨不能自存者人穀五斛逋租宿債皆勿復收

其有犯鄉里清議賊汙淫盜者皆洗除先注與
之更始長徒敕繫特皆原之亡官失爵禁錮奪
勞一依舊典又詔曰禮陳祀宋詩詠二客邦臣
之重歷代斯敦梁氏欽若人祇憲章在昔濟河
沈璧高謝萬邦茅賦所加宜遵舊典其以江陰
郡奉梁主爲江陰王行梁正朔車旗服色一依
前準官館資待務盡優隆又詔梁皇太后爲江
陰國太妃皇后爲江陰國妃又詔自司依位攝
職景子輿駕幸鍾山祠蔣帝廟戊寅輿駕幸華

林園親覽詞訟臨赦囚徒已卯分遣大使宣勞
 四夕下璽書勅州郡曰夫四王革代商周所以
 應天五勝相推軒義所以當運梁德不造喪亂
 積年東夏崩騰西都蕩覆蕭勃干紀非唯趙倫
 侯景滔天踰於劉載貞陽反篡賊約連兵江左
 累屬於鮮卑金陵久非於梁國有白氤氳混沌
 之世龍圖鳳紀之前東漢興平之初西朝永嘉
 之亂天下分崩未有甚於梁朝者也朕以虛薄
 屬當興運自昔登庸首清諸越徐門浪泊靡不

征行浮海乘山所在戡定宵想風塵騁馳師
 旅六延梁祀十翦彊寇豈曰人謀皆由天啓梁
 氏以天祿斯改期運永終欽若唐虞推其鼎玉
 朕東西退讓拜手陳辭避拜于於箕山之陽求
 文伯於滄洲之野而公卿敦逼率土翹惶天命
 難稽遂享嘉祚今月乙亥升禮太壇言念遷垆
 但有慙德自梁氏將末頻月亢陽火運斯終秋
 霖奄降翌日成禮圓丘宿設族雲晚霽星象夜
 張朝景重輔法三危之膏露晨光合璧帶五色

之卿雲顧惟寡薄彌慙休祉味旦丕顯方思至
治卿等擁旄方岳相任股肱剖符名字方寄恤
隱王膺惟新念有欣慶想深求民瘼務在廉平
愛惠以撫孤貧威刑以禦彊猾若有在蒲之盜
或犯戎商山谷之酋擅彊幽險皆從肆赦咸使
知聞如或迷途俾在無貸今遣使人具宣往旨
念思善政副此虛懷 辰詔出佛牙於杜姥宅
集四部設無遮大會高祖親出關前禮拜初齋
故僧統法獻於烏纏國 之常在定林上寺梁天

監末為攝山慶雲寺沙門慧興保藏慧興將終
以屬弟慧志承聖末慧志密送于高祖至是乃
出辛巳追尊皇考曰景皇帝廟號太祖皇妣董
太夫人曰安主后追謚前夫人錢氏號為昭皇
后卅子克為孝懷太子立夫人章氏為皇后癸
未尊景帝陵曰瑞陵昭皇后陵曰嘉陵依梁初
園陵故事立刪定郎治定律令戊子遷景皇帝
神主祔于太廟辛卯以中權將軍開府儀同三
司丹陽尹王冲為左光祿大夫癸巳追贈皇兄

梁故散騎常侍平北將軍兗州刺史長城縣公
 道譚驃騎上將軍太尉封始興郡王弟梁故侍
 中驃騎將軍淮南徐州刺史武康縣侯休先車騎
 大將軍司徒封南康郡王是月西討都督周文
 育侯安都於郢州敗績囚于王琳十一月景申詔
 曰東都齊國義乃親賢西漢城陽事兼功烈散
 騎常侍使持節都督會稽等十郡諸軍事宣毅
 將軍會稽太守長城縣侯蒨學尚清優神冥凝
 正文參禮繼武定妖氛心力謀猷為家治國擁

旄作守朞月有成壁彼關河功踰蕭冠 崔蒲之
 盜自反耕農篁竹之豪用稟聲朔朕以虛寡屬
 當興運提彼三尺賓于四門王業艱難賴乎此
 子宜隆上爵稱是元功可封臨川郡王邑二千
 戶凡子梁中書侍郎頊襲封始興王弟子梁中
 書侍郎曇朗襲封南康王禮秩一同正王己亥
 甘露降于鍾山松林彌滿巖谷庚子開善寺沙
 門採之以獻勅頒賜群臣景辰以鎮西將軍南
 豫州刺史徐度為鎮右將軍領軍將軍庚申京

嘉靖九年補刊

師大火十二月庚辰皇后謁太廟

二年春正月乙未詔曰夫設官分職因事重輕羽儀車馬隨時隆替晉之五校鳴笳啓途漢之九卿傳呼竝迓虞官夏禮豈曰同科殷朴周文固無恒格朕膺茲寶歷代是天工留念官方庶允時衷梁天監中左右驍騎領朱衣直閣竝給儀從北徐州刺史唱義之初首爲此職亂離歲久朝典不存後生年少希聞舊則今去左右驍騎宜通文武文官則用腹心武官則用功臣所

給儀從同太子二衛率此外衆官尚書詳爲條制車騎將軍開府儀同三司庾瑱進位司空中權將軍開府儀同三司新除左光祿大夫王冲爲太子少傅左衛將軍徐世譜爲護軍將軍南兖州刺史吳明徹進號安南將軍衡州刺史歐陽頔進號鎮南將軍辛丑輿駕親祠南郊詔曰朕受命君臨初移星館孟陬嘉月備禮泰壇景岱昭華人祇允應爰思令億兆咸與惟新且往代祆氛于今猶梗軍機未息徵賦咸繁事不獲已

久知下弊言念黔黎無忘寢食夫罪無輕重已發覺未發覺在今昧爽以前皆赦除之西寇自王琳以下竝許返迷一無所問近所募義軍本擬西寇竝宜解遣留家附業晚訂軍資未送者竝停元年軍糧逋餘者原其半州郡縣軍戎竝不得輒遣使民間務存優養若有侵優嚴爲法制乙巳輿駕親祠北郊甲辰振遠將軍梁州刺史張之表稱云乙亥歲八月丹徒蘭陵二縣界道山側一日因濤水涌生沙漲周旋千餘頃

竝膏腴堪墾植戊午輿駕親祠明堂二月壬申南豫州刺史沈泰太子齊辛卯詔車騎將軍司空侯瑱總督水步軍以遏齊寇三月甲午詔曰罰不及嗣自古通典罪疑惟輕布在方策沈泰反覆無行遐邇所知昔有微功仍荷朝寄剖符名郡推轂累藩漢口班師還居方岳良田有逾於四百食客不止於三千富貴顯榮政當如此鬼害其盈天奪之魄無故猖狂自投獯醜雖復知人則哲惟帝其難光武有蔽於龐萌魏武

不知於于林示但令朝廷無我負人其部曲妻兒
各令復業所在及軍人若有恐脅侵掠者皆以
劫論若有男女口為人所藏竝許詣臺申訴若
樂隨臨川王及節將立効者悉皆聽許乙卯高
祖幸後堂聽訟還於橋上觀山水賦詩示群臣
是月王琳立梁永_士始王蕭莊于郢州夏四月甲
子輿駕親祠太廟乙丑江陰王薨詔遣太宰弔
祭司空監護喪事凶禮所須隨由備辦以梁武
林侯蕭諮息季卿嗣為江陰王景宙輿駕幸石

甄_司立_次瑱_辰重雲殿東鵞尾有紫煙屬

天五月乙未京師地震癸丑齊庶廣陵南城主張

顯和長史張僧那各率其所部入附辛酉輿駕

幸大莊嚴寺_人捨身壬戌羣臣表請還宮六月己

巳詔司_亦瑱領軍將軍徐度率舟師為前軍

以討王琳秋七月戊戌輿駕幸石頭親送瑱等

己亥江州刺史周迪擒王琳將李孝欽樊猛余

孝暄于工塘甲辰遣吏部尚書謝哲諭王琳甲

寅嘉禾穗六岐生五城初庚辰景之平也火焚

太極殿承聖中議欲營之獨闕一柱至是有樟木大十八圍長四丈五尺流泊陶家後渚監軍鄒子度以聞詔中書令沈衆兼起部尚書少府卿蔡儔兼將作大匠起太極殿八月景寅以廣深郡為陳留郡辛未詔臨川王諱西討以舟師五萬發自京師輿駕幸治城寺親送焉前開府儀同三司南豫州刺史周文育前鎮北將軍南徐州刺史新除開府儀同三司侯安都等於王琳所逃歸自劾廷尉即日引見並宥之戊寅詔

復文育等本官壬午追封皇子立為瑤塚章王諡曰獻權為長沙王諡曰思長女為永世公主諡曰懿謝哲反命王琳請還鎮湘川詔追衆軍緩其伐癸未西討衆軍至自大雷丁亥以信威將軍江州刺史周迪為開府儀同三司進駐沅平南將軍改南徐州所領南蘭陵郡復為東海郡冬十月庚午遣鎮南將軍開府儀同三司周文育都督衆軍出豫章討余孝勤乙亥輿駕幸莊嚴寺發金光明經題丁酉以仁威將軍高州刺

太極殿承聖中議欲營之獨闕一柱至是有樟木大十八圍長四丈五尺流泊陶家後渚監軍鄒子度以聞詔中書令沈衆兼起部尚書少府卿蔡儔兼將作大匠起太極殿八月景寅以廣深郡為陳留郡辛未詔臨川王諱西討以舟師五萬發自京師輿駕幸治城寺親送焉前開府儀同三司南豫州刺史周文育前鎮北將軍南徐州刺史新除開府儀同三司侯安都等於王琳所逃歸自劾廷尉即日引見並宥之戊寅詔

復文育等本官壬午追封皇子立為瑤塚章王諡曰獻權為長沙王諡曰思長女為永世公主諡曰懿謝哲反命王琳請還鎮湘川詔追衆軍緩其伐癸未西討衆軍至自大雷丁亥以信威將軍江州刺史周迪為開府儀同三司進駐沅平南將軍改南徐州所領南蘭陵郡復為東海郡冬十月庚午遣鎮南將軍開府儀同三司周文育都督衆軍出豫章討余孝勤乙亥幽駕幸莊嚴寺發金光明經題丁酉以仁威將軍高州刺

史黃法氈爲開府儀同三司進號鎮南將軍甲寅太極殿成匠各給復十二月庚申侍中安東將軍臨川王諱率百僚朝前殿拜上牛酒甲子輿駕幸大莊嚴寺設無等大會捨乘輿法物群臣備法駕奉迎即日輿駕還宮景雲與高祖於太極殿東堂宴群臣設金石之樂以路寢告成也壬申割吳郡鹽官海鹽前京三縣置海寧郡屬楊州以安成所部廣興六洞置安樂郡景戌以寧遠將軍北江州刺史熊曇朗爲開府儀同三司進號平西將軍丁亥詔曰梁時舊仕亂離播越始還朝故多未銓序又起兵已來軍勲甚衆選曹卽條文武簿以爲將應九流者量其所擬於是隨材擢用者五十餘人

三年春正月己丑青龍見于東方丁酉以鎮南將軍廣州刺史歐陽頔即本號開府儀同三司是夜大雪及旦太極殿前有龍跡見甲午廣州刺史歐陽頔表稱白龍見于州江南岸長數十丈大可八九圍歷州城西道入天井崗山人見

于羅浮山寺小石樓長三丈所通身潔白衣服
薨麗辛丑詔曰高康始與王諸妹已有封爵依
禮止是藩主此二王者有殊恒情宜隆禮數諸
主儀秩及尚主可並同皇女戊申詔臨川王諱
省揚徐二州辭訟二月辛酉以平西將軍桂州
刺史淳于量為開府儀同三司進號鎮西大將
軍壬午司空侯瑱督衆軍自江入合州焚齊舟
艦三月景申侯瑱王自合肥衆軍獻捷夏閏四
月庚寅詔曰開廩賑絕育民之大惠巡方恤患

前王之令典朕當斯季俗膺此樂推君德未委
民瘼猶甚重茲多壘彌疚納隍良由四聰弗遠
千里功懃博施之仁何其或爽殘弊之軌致此
未康吳州緡州去歲蝗旱郢田雖呪鄭渠終涸
室靡盈積之望家有填壑之嗟百姓不足兆民
何賴近已遣中書舍人江德藻銜命東陽與令
長二千石問民疾苦仍以入臺倉見米分恤雖
德非既飽庶微慰阻飢甲午詔依前代置西省
學士兼以伎術者預焉丁酉遣鎮北將軍徐度

率衆城南皖口是時久不雨景午與駕幸鍾山
祠蔣帝廟是日降雨迄于月晦五月景辰朔日
有食之有司奏舊儀御前殿服朱紗袍通天冠
詔曰此乃前代承用意有未同合朔仰助太陽
宜備衮冕之服自今已去永可爲准景寅扶南
國遣使獻方物乙酉北江州刺史熊曇朗殺都
督周文育于軍舉兵反王琳遣其將常衆愛曹
慶率兵援余孝勣六月戊子儀同侯安都敗衆
愛等於左里獲琳從弟襲主帥羊暕等三十餘

人衆愛遁走庚寅廬山民斬之傳首京師甲午
衆師凱歸詔曰曇朗噉逆罪不容誅分命衆軍
仍事掩討方加梟磔以明刑憲徵臨川王諱往
皖口置城柵以錢道戢守焉丁酉高祖不豫
遣兼太宰尚書左僕射王通以疾告太廟兼
太宰中書令謝哲告大社南北郊辛丑高祖
疾少瘳故司空周文育之柩至自建昌壬寅高
祖素服哭于東堂哀甚癸卯高祖臨訊獄省訟
是夜熒惑在天尊高祖疾又甚景午崩于璿璣

殿時年五十七遺詔追臨川王諱入纂甲寅大
行皇帝遷殯于太極殿西階秋八月甲午羣臣
上諡曰武皇帝廟號高祖景申葬萬安陵高祖
智以綏物武以寧亂英謀獨運人皆莫及故能
征伐四克靜難夷凶至升大麓之日居阿衡之
任恒崇寬政愛育爲本有須發調軍儲皆出於
事不可息加以儉素自率常膳不過數品私饗
曲宴皆瓦器蚌盤有核庶羞裁令充足而已不
爲虛費貞初平侯景及立紹泰子女玉帛皆班將
士其充闈房者衣不重綵飾無金翠哥鍾女樂
不列於前及乎踐祚彌厲恭儉故隆功茂德光
有天下焉

陳吏部尚書姚察曰高祖英略大度應變無方
蓋漢高魏武之亞公矢及西都湯覆誠貫天人王
僧辯闕伊尹之才空結桐宮之憤貞陽假秦兵
之送不思穆嬴之泣高祖乃蹈玄機而撫末運
乘勢隙而拯橫流王迹所基始自於此何至戡
黎升而之捷而已焉故於慎微時序之世變

聲改物之辰兆庶歸之詭訶炎靈
之前代何其美乎

紀第二

陳世



